

quæ prope ANGADAM, *Kalingæ* regem, brachia armillis cinctum, hostium partes exstinguentem, substiterat.

54. “ Hic est *Mahendræ* montis oceanique dominus, robore *Mahendram*
“ montem æquans, in cujus expeditionibus præcedit quasi mons ille sub
“ forma elephantorum bellicorum, liquorem e temporibus stillantium.

55. “ Ille sagittariorum optimus, pulchris brachiis præditus, in utroque
“ brachio gerit lineam, arcus nervi ictibus ductam, quasi duas captivæ
“ hostium Felicitatis vias, lacrymis collyrio mixtis irrigatas.

56. “ Quem in ædibus suis dormientem excitat e somno oceanus vicinus,
“ gravi sono suo tympanum, quo horæ indicantur, antecellens, undis per
“ ædium fenestras conspicuis.

57. “ Cum illo ambula in oceani litore, palmarum susurro personito,
“ dum sudor tibi sedabitur ventis, qui ex aliis insulis caryophyllorum flores
“ advehunt.”

58. *Vidarbhæ* regis soror minor, forma sua alliciens, quamquam ita per
illam allecta, ab illo discessit, sicut LAKSHMIS, e longinquo per mores
hominis adducta, discedit ab eo, cui fatum adversum est.

59. Deinde janitrix, accedens ad urbis a serpentibus appellatæ dominum,
forma sua diis similem, ВНОЖÆ sororem, prius his verbis admonitam : “ Huc
vultum adverte, perdicis oculis prædita!” sic est allocuta :

60. “ Hic *Pánduum* rex, humeros sertis pendulis ornatus, membra *san-*
“ *talo* flavo unctus, apparet veluti montium princeps, torrentibus stillans,
“ scopulis sole novo tinctis.

61. “ Eum, qui in sacrificio post *Asvamedham* peracto corpus suum
“ laverat, AGASTYAS, magni *Vindhya* montis coercitor, qui oceanum ex-
“ haustum reliquerat, blande interrogavit, num bene ei verterit balneum.

62. “ Insolens ille *Lankæ* rex olim, postquam cum hoc rege, qui telum
“ ægre obtinendum a SIVA impetraverat, *Janasthâni* devastationem timens,
“ pacem composuisset, ad INDRÆ cælum expugnandum profectus est.

63. “ Manu tua per hunc, e nobili stirpe ortum, rite accepta, tu,
“ terræ instar gravis, regionis meridionalis, oceano gemmis repleto cinctæ,
“ æmula evade.

64. “ Continuo delectari velis in *Malayæ* montis campis, ubi *tâmbûlæ*